


文淵閣  
四庫全書  
電子版

御纂春秋直解



經部



迪志文化出版有限公司 出版  
迪志文化出版有限公司為宜高科技集團成員

《文淵閣四庫全書電子書：御纂春秋直解》

出版：迪志文化出版有限公司  
地址：香港中環皇后大道中99號中環中心29樓  
電話：(+852) 2735 1263  
傳真：(+852) 2730 8686  
網址：<http://www.dheritage.com>  
電郵：[dvm.customer@dvm.com.hk](mailto:dvm.customer@dvm.com.hk)  
客戶服務熱線：(+852) 2302 3043

2001年7月初版

版權所有，請勿翻印

Copyright (C) 2000 Digital Heritage Publishing  
All rights reserved. No part of this book shall be reproduced, stored in a retrieval system, or transmitted by any means, electronic, mechanical, photocopying, recording, or otherwise, without written permission from the publisher.

迪志電子書坊

下載電子書，訂購 Print On Demand 版本，請瀏覽迪志電子書坊。

網址：<http://www.digiebooks.com>

欽定四庫全書

經部五

御纂春秋直解

春秋類

提要

臣等謹按


御纂春秋直解十五卷乾隆二十三年奉

勅撰以十二公為十二卷莊公僖公襄公篇頁稍

繁各析一子卷實十五卷大旨在發明尼山

本義而剷除種種迂曲之說故

欽定四庫全書

御纂春秋直解  
提要

賜名曰直解冠以

御製序文揭胡安國傳之傳會臆斷以明誥天下與

欽定春秋傳說彙纂宗旨同符考班彪之論春秋曰

平易正直春秋之義也王充之論春秋曰公

羊穀梁之傳日月不具輒為意使平常之事

有怪異之說徑直之文有曲折之義非孔子

之心蘇軾之論春秋曰春秋儒者本務然此

書有妙用儒者罕能領會多求之繩約中乃

近法家者流竒細繳繞竟亦何用朱子之書

春秋亦曰聖人作春秋不過直書其事而善

惡自見又曰春秋傳例多不可信聖人紀事

安有許多義例然則聖經之法戒本共見共


聞聖人之勸懲亦易知易從自啖助趙匡倡

廢傳解經之說使人人各以臆見私相揣度

務為新竒以相勝而春秋以荒自孫復倡為

有貶無褒之說說春秋者必事事求其所以

欽定四庫全書

御纂春秋直解  
提要

貶求其所以貶而不得則鍛鍊周內以成其

罪而春秋益荒俞汝言春秋平義序謂傳經

之失不在於淺而在於深春秋尤甚可謂片

言居要矣是編恭承

訓示務斟酌情理之平以求聖經之微意凡諸家

所說穿鑿破碎者悉斥不採而筆削大義愈

以炳然學者恭讀

御纂春秋傳說彙纂以辨訂其是非復恭讀是編以



迪志文化出版有限公司出版



迪志文化出版有限公司出版

文淵閣四庫全書電子版

融會其精要春秋之學已更無餘蘊矣乾隆

四十一年九月恭校上

總纂官臣紀昀臣陸錫熊臣孫士毅  
總校官臣陸費墀

欽定四庫全書

御纂春秋直解  
提要

文淵閣四庫全書電子版

欽定四庫全書

御纂春秋直解序

中古之書莫大於春秋推其教不越乎屬辭比事而原夫成書之始即游夏不能贊一辭蓋辭不待贊也彼南史董狐世稱古之遺直矧以大聖人就魯史之舊用筆削以正褒貶不過據事直書而義自為比屬其辭本非得已贊且奚為乎厥後依經作傳如左氏身非私淑號為素臣猶或詳於事而失之誣至公羊穀梁去聖逾遠乃有發墨守而起廢疾儼然操入室之戈者下此齟齬聚訟人自為師經生家大抵以胡氏安國張氏洽為最著及張氏廢而胡氏直與三傳並行其間傳會臆斷往往不免承學之士宜何考衷也哉我皇祖欽定傳說彙纂一書鎔範羣言去取精當麟經之微言大義炳若日星朕服習有年紹聞志切近因輯易詩二書竣事命在館諸臣係系是經具解以進一以彙纂為指南意在息諸說之紛岐以翼傳

欽定四庫全書

御纂春秋直解  
序

文淵閣四庫全書電子版

融諸傳之同異以專經庶幾辭簡而事明於范甯去其所滯擇善而從之論深有取焉夫儒者猥云五經如法律春秋如斷例故啖助趙匡陸淳輩悉取經文書法纂而為例一一引徽切墨以求之動如鑿柄之不相入譬諸叔孫通蕭何增置傍章已後例轉多而律轉晦蓋曲說之離經甚於曲學之泥經也審矣書既成命之曰直解匪不求甚解之謂謂夫索解而過不直則義不見爾而豈獨春秋一經為然哉是所望乎天下之善讀經者

欽定四庫全書

御纂春秋直解

乾隆二十三年秋月御製

文淵閣四庫全書電子版

御製書春秋元年春王正月事

春秋聖人尊王之經也元年春王正月用開宗明義之第一也解此者自三傳以至後儒其說充棟或致操戈無容置議然識聖人之深意者有幾乎王道熄而作春秋春秋魯之舊史也自隱公始則不得不書隱公元年而即繼之曰春王正月前史所無有也蓋言公之元年乃稟王之春王之正而得是非尊王之義乎且是年也於齊為九年於魯為二年衛鄭以下各為其年不可婁指數而總為平王之四十九年於斯時也世人將何以紀其年而知其歲乎是則聖人之書元年春王正月也者其亦有感於斯乎行夏之時聖人之私議不能行於時言春王而不言王春月可改而春不可改亦隱寓夏之時與王之元所謂大一統足以一天下之心而不可任其紛有不能行之嘆矣茲為開宗始義乃貫春秋之本末而絕筆於獲麟蓋聖人之道在萬世即聖人之憂在萬世是則封建之說不惟不可行於後世知聖人亦未必

欽定四庫全書

御纂春秋直解

文淵閣四庫全書電子版

以為宜然也

乾隆戊戌孟夏月

欽定四庫全書

御纂春秋直解  
題辭



迪志文化出版有限公司出版

文淵閣四庫全書電子版

正總裁官

(字位過密 無法顯示)

御前大臣兼管理藩院事務暫行署理步軍統領事務忠勇公臣 傅 恒

(字位過密 無法顯示) 臣 來 保

經筵講官太子太保協辦大學士吏部尚書臣 劉統勳

經 筵 講 官 太 子 太 傅 吏 部 尚 書 臣 汪由敦

副總裁官

經筵講官議政大臣戶部尚書兼都統領侍衛內大臣武毅謀勇公臣 兆 惠

欽定四庫全書

御纂春秋直解  
職名

太子少保議政大臣理藩院尚書兼都統臣 納延泰

經筵講官戶部左侍郎兼管順天府府尹事務教習庶吉士臣 劉 綸

提調官

湖 廣 道 監 祭 御 史 臣 覺羅巴延三

戶 部 銀 庫 員 外 郎 臣 額爾景額

吏 部 文 選 司 郎 中 臣 袁守侗

纂修官

日講起居注官詹事府少詹事兼翰林院侍講學士臣 梁錫璵



迪志文化出版有限公司出版

收掌官	戶部 顏料庫司庫 <sub>臣</sub> 巴尼璋	戶部 陝西司額外主事 <sub>臣</sub> 馮光熊	騰錄官	舉 人 <sub>臣</sub> 夏秉衡	舉 人 <sub>臣</sub> 王文炯	舉 人 <sub>臣</sub> 葉能	捐 職 州 同 <sub>臣</sub> 王成曾	捐 職 縣 丞 <sub>臣</sub> 員誌	候 選 主 簿 <sub>臣</sub> 張蓋臣	監 生 <sub>臣</sub> 高士帥	監 生 <sub>臣</sub> 潘敬蒼	監 生 <sub>臣</sub> 徐應瑞	監 生 <sub>臣</sub> 諸廷光		
-----	---------------------------	-----------------------------	-----	----------------------	----------------------	---------------------	--------------------------	-------------------------	--------------------------	----------------------	----------------------	----------------------	----------------------	--	--



迪志文化出版有限公司出版

欽定四庫全書	經部五	御纂春秋直解目錄	春秋類	第一卷	隱公	第二卷	桓公	第三卷上	莊公	第三卷下	莊公	第四卷	閔公	第五卷上	僖公	第五卷下	僖公
--------	-----	----------	-----	-----	----	-----	----	------	----	------	----	-----	----	------	----	------	----



迪志文化出版有限公司出版



欽定四庫全書

御纂春秋直解卷一

春秋繼詩書也雅亡於黍離書終文侯之命斯春秋作焉託始隱公時相接也據時事以維王迹而是非著治亂具法戒昭使後世得以考而鑒焉孔子之志也

己未平王四十有九年 在位五十有一年孫桓王立

春秋為尊王而作而用魯紀年者本魯史也後人因

欽定四庫全書  
御纂春秋直解  
卷一

以干支與天王之年冠其上其意善矣第經所無而增之則混經且魯公之年大書而王年分注豈聖人尊王之意哉今特立王年於魯君元年之前而大書之所以別經也抑以著尊王之義不失聖人之旨云爾

隱公

名息姑惠公之長庶子也

元年

元始也先君之終嗣君之始故稱元王者正朔通乎天下而列國之史各得稱元年以紀事志始也

春王正月

春者歲之首天道之始正者月之首人事之始謂首月為正正始也冠王於正者周正也夏正建寅周正建子子何以為春春為青陽寅者三元之備而子則一陽之生天開之始春氣之萌也干支之始甲子卦圖之始震復律呂之始黃鍾歷象之始日至皆天道

欽定四庫全書  
御纂春秋直解  
卷一

也周改時改月而商建丑為地正不改時改月者無成之義也建子之月改朔改時本天道以授人周王之法也正月之上書春書王紀王制以示後孔子之教也春秋竟時無事乃書首月此下三月有事書正月者以元年正月應有即位之事也隱志讓桓不行即位之禮史無可書非孔子之削之也

三月公及邾儀父盟于蔑

求邾好也魯侯爵而稱公者魯史所書臣子之辭也



盟有書及有書會書及者止有盟事書會者兼行會禮也邾魯附庸儀父其君之字也邾近魯公立而盟以結援焉不日史失之也

夏五月鄭伯克段于鄆

逐其弟也凡殺子弟目君以目鄭伯知其為弟也稱兵爭國則不書弟與公子以不稱弟知其爭國也勝而去之曰克親而兵之可傷矣于鄆遠也已奔鄆又克之甚之也

欽定四庫全書

御纂春秋直解  
卷一

秋七月天王使宰咺來歸惠公仲子之賵

繫王於天明王者當欽若天道欲循名以盡其實又以見尊王即所以尊天不尊王則獲罪於天也宰統百官天子之卿也或名或字或爵因舊史也繫仲子於惠公者惠公寵仲子若夫人兆禍端也然究未立之為夫人故止曰仲子而隱公尋父志而以其卒赴於王成父過也平王不正其非夫人而賵之壞王綱也其後桓怵邪謀而為篡逆蔑天倫也仲子之名一



正而平與惠隱桓之失皆著故曰春秋之志微而彰九月及宋人盟于宿

孰及之公也隱桓皆宋出而桓母則武公之子也王賵仲子公不自安而釋先君之怨以求成焉宋輕公不自來而使其臣曰宋人外卑者也其地以國宿亦與也

冬十有二月祭伯來

祭伯畿內諸侯為王卿士祭周公之裔故與魯為好

欽定四庫全書

御纂春秋直解  
卷一

書來非事也故不稱使非王命則私交也結內近以偵國挾外援以要君則亂之所由階謹私交杜朋黨之漸也

公子益師卒

內臣書卒者皆卿也大國之卿三命受王命而為君佐國之治亂與有責焉卒之者重之且以尊君命也程子曰時不請命故卒不書官不與其為卿也稱公子以公子故使為卿也是也益師者衆氏之始也諸



侯世國大夫不世官卿世則臣柄國而公室卑矣書之抑以為戒也

二年

春公會戎于潛

周官行人曰時會以發四方之禁蓋天子非時而合諸侯以禁止天下之不義春秋書諸侯之會皆非王事而私會耳戎徐戎在魯東舉號無爵也潛魯地會戎修惠公之好也非王事而修私好於同列且非宜

况戎乎

夏五月莒人入向

莒向皆國名凡用兵君將不言帥師君重於師也將尊師衆稱某帥師將尊師少稱將卑師衆稱師將卑師少稱人或不詳亦稱人書入不順也胡安國曰非王命而入國不臣也擅興兵而王不討焉不君也無駭帥師入極無駭魯卿也不氏未賜族也書帥師志用衆也極亦

欽定四庫全書

御纂春秋直解  
卷一



迪志文化出版有限公司出版

國名

秋八月庚辰公及戎盟于唐

公羊曰及我欲之如蔑之盟公求好於邾是魯欲也前此潛之會公辭戎盟今復以請而盟于唐非魯欲矣蓋魯與他國盟皆書及別內外之辭不必皆魯欲也惟兵事則內外皆主欲戰者而書及重之也自治有道禦侮有方會戎非禮也盟戎非策也會且不可况盟乎

九月紀履緌來逆女

冬十月伯姬歸于紀

履緌紀卿也卿為君逆稱逆女女者從父所稱之辭公自主婚也卿為君逆至其國而君逆於所館所謂大婚既至冕而親迎是也禮之節也伯姬者先公之長女也內女為諸侯夫人書歸者五而紀伯姬獨書逆以後遭紀之變而閔之且其娣叔姬之賢不可不錄故叔姬之歸不得略而於伯姬之歸特書逆以明

欽定四庫全書

御纂春秋直解  
卷一



迪志文化出版有限公司出版

其為嫡也

紀子伯莒子盟于密

左氏曰魯故也向近魯而莒入之莒魯之爭自此始  
紀婚魯故為魯盟莒紀侯爵子伯訛也

十有二月乙卯夫人子氏薨

公夫人也書薨明齊也夫人與君其尊同也先薨不  
葬明順也夫人之義從君者也後有合葬之事也不  
地者婦人無外事有常處也尊同則位正順昭則化

欽定四庫全書

御纂春秋直解  
卷一

行

鄭人伐衛

左氏曰討公孫滑之亂也聲罪致討曰伐征伐天子  
之大權自諸侯出非禮也私會盟則結黨以要君專  
侵伐則稱兵以叛上春秋皆惡之止亂也

三年

春王二月己巳日有食之

己巳二月朔也不書朔史失之也日月共行於天而

各有道歲凡十二會會而東西同度南北同道則月  
揜日而食不言月揜日止書日有食之者抑陰而存  
陽也日食必書教人君以恐懼修省之道也克謹天  
戒則雖有象而無其應弗克畏天災咎之來必矣

三月庚戌天王崩

崩者上墜之形不名者臣子之辭魯不敢名公天下  
均不敢名王也春秋歷十有二王桓襄匡簡景志崩  
志葬者赴告及魯會之也平惠定靈志崩不志葬者

欽定四庫全書

御纂春秋直解  
卷一

赴告雖及魯不會也莊僖頃崩葬皆不志者王室不

赴魯亦不會也不赴內臣之罪不會外臣之罪也

夏四月辛卯尹氏卒

譏世卿也因其告喪而以氏書著尹氏之世執國政  
也不名義不繫乎名也左氏傳作君氏曰聲子也為  
公故曰君氏夫國母也而創為之稱於名則不正以  
君之號而繫之為氏於言則不順春秋所因者魯史  
舊文也其曰君氏者史策之文歟抑國人之稱歟尹



氏見於詩春秋者屢矣而君氏不經見無所據依當以公羊傳為正

秋武氏子來求賻

非禮也仲子之賻天王來歸天王之賻武氏來求比而觀之可傷矣穀梁曰周雖不求魯不可以不歸魯雖不歸周不可以求之求之為言得不得未可知之辭也書武氏譏世官也稱子弱且未命也不稱使當喪未君也

欽定四庫全書

御纂春秋直解  
卷一

八月庚辰宋公和卒

諸侯曰薨不書薨外辭也魯君書薨臣子之辭也外諸侯不生名卒則名之蓋史之為道著姓名序世次記事實明是非昭法戒也卒之知其世也名之知其人也以是考其事為是非可定法戒可舉矣然有名有不名何也或即位而告為後同盟而存載書朝會而具要約聘告而肅簡牘於其卒赴可知而紀也非是則其名不可知或史失之亦不得而紀也



冬十有二月齊侯鄭伯盟于石門

左氏曰尋盧之盟也而齊鄭之交固矣鄭與衛隙故結援齊欲圖伯故樹黨劉貫曰齊僖資莊以糾合鄭莊亦挾僖以自強其交固天下始多故諸侯遂無王矣

癸未葬宋穆公

卒從外錄來告也葬從內錄往會也故不曰宋葬穆公而曰葬宋穆公也會者非卿則不書書其所為之事其有使往可知也

欽定四庫全書

御纂春秋直解  
卷一

四年

春王二月莒人伐杞取牟婁

牟婁杞邑也伐者問罪之辭服則止耳從而取其邑是利之也故書伐以罪其竊王之權書取以惡其奪人之有隱公之篇書外取邑者二陳傅良曰春秋之初猶以取邑為重是也後則不勝書矣  
戊申衛州吁弑其君完



弑逆大惡聖人所不忍言然而必書之者定亂賊之罪名欲以行天討而戒萬世也凡得其罪名者書名不得其名者在當國者書國衆則書人公子之親則書公子世子則書世子大夫書氏不氏因舊史也既定亂賊之罪名且著其由來之異蓋儆君父以自修使隨事以慎其微也

夏公及宋公遇于清

兩君相見有會禮有遇禮行會禮書會行遇禮書遇

欽定四庫全書

御纂春秋直解  
卷一

紀實也清衛地也左氏曰公與宋公為會未及期衛人來告亂公及宋公遇于清其為咨衛亂明矣既而宋與衛伐鄭而公不與則公志在討賊而宋不從可知矣及宋乞師而公辭焉公其知義矣乃鞏也固請而公弗能禁守義不篤失其職矣

宋公陳侯蔡人衛人伐鄭

伐鄭之謀發於衛州吁弑君而求寵於諸侯先叙三國惡黨賊也宋公子馮出奔鄭殤公乘州吁之請而

以兵會懟鄭之欲納馮而不忌州吁之為篡賊其惡甚矣故首宋

秋鞏帥師會宋公陳侯蔡人衛人伐鄭

公辭宋矣鞏帥師而會宋是要君使黨賊也是好人之為賊也是將敢於自為賊也方命主兵無所忌憚鍾巫之禍兆矣再序四國蓋於黨賊者有餘惡焉

九月衛人殺州吁于濮

州吁自立而斥其名正其為賊也稱人衆辭也殺之

欽定四庫全書

御纂春秋直解  
卷一

者石碣而書人明非碣之私討而人皆欲討亦夫人之所得討也公羊子曰稱人者討賊之辭是也定大惡之名嚴黨賊之罪予討賊之義廣討賊之途賊始無所容矣故曰春秋成而亂臣賊子懼州吁二月弑君而四國連兵欲定其位故久然後能殺之濮陳地陳亦有助焉其黨賊也罪之其助討也予之是非之公也後此宋求萬於陳魯求慶父於莒皆賁賂而後與今陳不匿賊取賂猶知畏義焉耳



冬十有二月衛人立晉

殺州吁者石碣也則迎晉者亦碣也乃不同碣於尹氏之立王子朝而書衛人明非碣之私也夫晉於齊小白之入于齊而書衛人之立明非晉之爭也州吁討而衆望在晉稱人者見碣之從衆晉之得衆也然衆可以討賊而不可以立君晉可以為君而不可以立於衆國承之父也命出之王也衛人不請於王而擅置其君晉利國人之奉己而專有其國皆非也

欽定四庫全書

御纂春秋直解  
卷一

人可立君則生事以邀功市恩以竊國階之亂矣特

書立以止亂也

五年

春公觀魚于棠

魚漁也月令季冬始漁周之仲春夏之季冬也漁之時也然公以為觀而非以為祀也且于棠遠矣非地也

夏四月葬衛桓公

左氏曰衛亂是以緩古者諸侯薨誅於天子宜以爵配諡衛侯爵而稱公則彼國臣子之辭而私諡耳非禮也

秋衛師入郟

夏葬桓公秋入郟緩於送終而急於入國不以居喪為重也繼州吁之後而復阻兵修怨以亂踵亂矣九月考仲子之宮初獻六羽

欽定四庫全書

御纂春秋直解  
卷一

宮成而祀曰考庶子為君為其母立宮桓未君而仲子有宮非禮也六羽六佾也佾舞有干羽婦人無武事但陳羽舞故不謂之佾魯僭八佾舊矣仲子之宮不敢同於羣廟故降用六書初獻明前此用八之僭也然用六羽於仲子之宮則仍僭矣且止用於仲子之宮則羣廟仍不改其僭也其辭微矣

邾人鄭人伐宋

諸侯以爵序至用兵則以主者首戒興戎也邾主兵故序鄭上雖邾見侵於宋然當告之天王乃問宋鄭



之隙遂結鄭以伐之非其道矣故罪之

螟

蟲食苗心曰螟國以民為本民以食為天書之使人君畏天災重民命戒逸欲啟憂勤也齊履謙曰春秋所書有災有異害及於民之謂災物反其常之謂異二者魯皆備書諸國惟異則書蓋災則事止一國異則理關天下也

冬十有二月辛巳公子彊卒

欽定四庫全書

御纂春秋直解  
卷一

臧氏之始也

宋人伐鄭圍長葛

報入郟之役也入郟之役邾主兵而報鄭者欲除馮也宋殤以馮在鄭而兩伐鄭鄭之報宋序於邾下以鄭伯之罪輕也今宋又伐鄭而圍其邑背惠無親佳兵虐鄰其罪甚矣

六年

春鄭人來輸平

輸納也平者前有不平今則釋憾而平之也胡安國曰鄭輸平於魯蓋以利相結離宋魯之黨也夫平可也以利平則不可如以義雖興師毒衆而聖人與焉謂是以殺止殺也如以利雖解怨釋爭而聖人懼焉謂是以亂易亂也

夏五月辛酉公會齊侯盟于艾

鄭故也齊鄭嘗盟于石門今則因鄭輸平而為此盟

東方之國齊為大結鄭結魯其黨盛矣書之以志齊

欽定四庫全書

御纂春秋直解  
卷一

僖小伯之始也李本曰魯離宋黨而與齊為艾之盟

又二年齊離鄭黨而與宋為瓦屋之盟又二年齊魯復離宋黨而與鄭為中邱之盟倏合倏離為行私計耳信義何有焉此盟之所以不足貴也

秋七月

竟時無事舉首月以配時備四時以成歲也此春秋所由名乎時天時也月王月也明天人之理合王者當憲天以出治無棄時也



冬宋人取長葛

前書圍志在必取也圍之經年久役毒民肆暴貪利其罪甚矣夫兵以義動猶宜慎之況不義乎君子是以知與夷之不終也

七年

春王三月叔姬歸于紀

叔姬伯姬娣也不偕歸待年也娣不書此何以書賢之也後紀亡而歸於鄫以全婦道也將有其終故錄

其始

滕侯卒

不日不名史失之不葬魯不會也

夏城中丘

書不時也程子曰春秋凡用民力必書不時害義固為罪雖時且義亦書見勞民為重事也

齊侯使其弟年來聘

今君之兄弟先君之子稱公子者其常也書兄及弟

欽定四庫全書  
御纂春秋直解  
卷一



迪志文化出版有限公司出版

皆變文也有譏其私者有責其薄者有美其賢者考於事而可見矣胡安國曰年者齊僖同母弟也僖公私之寵愛異於他弟施及其子猶與嫡等襄公絀之遂成篡弑之禍聖人於年來聘特變文書弟以示貶焉是也所惡於私者惡其偏而教之正也偏薄則怨偏厚則驕驕則多欲欲而不繼終歸於怨怨乃亂也仁人之於兄弟絕偏繫之私篤友恭之義以禮定分人倫正禍亂息矣

秋公伐邾

欽定四庫全書  
御纂春秋直解  
卷一

左氏曰秋宋及鄭平七月庚申盟於宿公伐邾為宋討也邾鄭伐宋故也鄭既輸平曷為為宋伐邾宋及鄭平矣於是伐邾以懷宋渝蔑之盟有所不顧則前此之輸平亦何為也哉人無信不立為人伐人附強凌弱殘已附庸信義兩失矣

冬天王使凡伯來聘

凡國名周公之喬伯爵也盖王朝之卿也程子曰周



迪志文化出版有限公司出版